



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Health

Na osnovu člana 56. stav 2. Zakona o organizaciji organa uprave u Federaciji Bosne i Hercegovine („Službene novine FBiH”, broj:35/05), Odluke o obaveznoj preventivnoj sistematskoj deratizaciji na području Kantona Sarajevo („Službene novine Kantona Sarajevo”, br. 22/13, 36/13, 23/16, 7/17, 41/19 i 42/19), te Odluke Stručne službe za zajedničke poslove Kantona Sarajevo broj: 17-11- 33836-39/20 od 30.03.2021.godine o izboru najpovoljnijeg ponuđača „SANITACIJA” d.o.o. Sarajevo i Okvimog sporazuma broj: 10-33-19629/21 od 29.04.2021.godine za vršenje usluga operativnih faza (proljetnih i jesenjih) obavezne preventivne sistematske deratizacije na području Kantona Sarajevo za period 2020.-2022. godine, Ministar zdravstva Kantona Sarajevo, donosi

## **ODLUKU**

### **o vršenju usluga obavezne jesenje preventivne sistematske deratizacije na području Kantona Sarajevo za 2022. godinu**

#### **I**

Na osnovu Programa izvođenja obavezne preventivne sistematske deratizacije na području Kantona Sarajevo za period 2020-2022 godine („Službene novine Kantona Sarajevo”, broj 41/19 i 42/19), provodi se obavezna jesenja preventivna sistematska deratizacija javnih površina i javnih dobara, na području Kantona Sarajevo u 2022. godini.

Obavezna jesenja preventivna sistematska deratizacija na području Kantona Sarajevo za 2022. godinu, izvršit će se prvenstveno na otvorenim i zatvorenim vodotocima, parkovima, grobljima, površinama koje nisu privedene urbanističkoj namjeni, saobraćajnicama, mostovima, otvorenim i zatvorenim parkiralištima, trgovima, javnim nužnicima i drugim javnim mjestima na kojima postoji mogućnost zadržavanja i razmnožavanja glodara, s tim da će Nadzorni organ odrediti listu rizičnih lokacija koje će biti prioritet pri izvođenju navedenih usluga.

Obavezna jesenja preventivna sistematska deratizacija na području Kantona Sarajevo za 2022. godinu, izvršit će se u vremenskom intervalu od 01.10.2022. - 30.11.2022. godine, a u slučaju da Izvršilac ne izvrši usluge u predviđenom roku, usljed vremenskih nepogoda, iste će se obaviti nakon prestanka nepogoda najdalje do 16.12.2022. godine.

#### **II**

Izvođač deratizacije iz tačke I. ove Odluke je „Sanitacija” d.o.o. Sarajevo.

#### **III**

Izvođač deratizacije je u obavezi da JU Zavod za javno zdravstvo Kantona Sarajevo i Kantonalnoj upravi za inspeksijske poslove - Inspektorat za sanitarne, zdravstvene i farmaceutske poslove, dostavlja u pisanoj formi sedmične operativne planove izvođenja jesenje preventivne sistematske deratizacije na području Kantona Sarajevo za 2022. godinu, sa tačnim datumima i područjima izvođenja iste, najkasnije u roku od 2 (dva) dana prije početka realizacije operativnog plana.

JU Zavod za javno zdravstvo Kantona Sarajevo i Kantonalna uprava za inspeksijske poslove - Inspektorat za sanitarne, zdravstvene i farmaceutske poslove, imaju pravo da daju primjedbe i prijedloge na dostavljene sedmične operativne planove izvođenja jesenje preventivne



sistematske deratizacije na području Kantona Sarajevo za 2022. godinu, posebno sa aspekta vremenskih uslova izvođenje deratizacije.

#### IV

U skladu sa članom 7. Odluke o obaveznoj preventivnoj sistematskoj deratizaciji na području Kantona Sarajevo, sva pravna i fizička lica u čijim se objektima i prostorima izvodi deratizacija, dužni su da stručnim radnicima Izvođača omoguće pristup i daju im potrebna obavještenja.

Lica iz prethodnog stava dužna su provoditi određeno mjere i izvršavati radnje koje im nalažu stručni radnici Izvođača, u cilju osiguranja uspješnog izvođenja deratizacije i zaštite ljudi i domaćih životinja.

U skladu sa članom 8. Odluke o obaveznoj preventivnoj sistematskoj deratizaciji na području Kantona Sarajevo, svi vlasnici ili korisnici ili upravitelji objekata ili prostora iz člana 2. navedene Odluke, troškove deratizacije plaćaju neposredno izvođaču deratizacije ili izvođaču DDD poslova koje su sami izabrali

#### V

JU Zavod za javno zdravstvo Kantona Sarajevo (Higijensko - epidemiološke ekipe) je u obavezi da vrši stručni nadzor nad izvođenjem jesenje preventivne sistematske deratizacije na području Kantona Sarajevo za 2022. godinu.

Nadzor nad izvođenjem jesenje preventivne sistematske deratizacije na području Kantona Sarajevo za 2022. godinu, JU Zavod za javno zdravstvo Kantona Sarajevo će vršiti kontinuirano, uz stalno prisustvo tokom izvođenja sistematske deratizacije.

Kantonalna uprava za inspeksijske poslove - Inspektorat za sanitarne, zdravstvene i farmaceutske poslove, vrši upravni nadzor nad provođenjem ove odluke, te nadzor nad organizacijom i izvođenjem sistematske deratizacije.

#### VI

Svako nepridržavanje ove odluke povlači novčanu kaznu prema čl. 13.14. i 15. Odluke o obaveznoj preventivnoj sistematskoj deratizaciji na području Kantona Sarajevo.

#### VII

Ova Odluka stupa na snagu danom donošenja.



Broj: 10-33-21086-1/22  
Sarajevo, 04.10.2022.godine

Dostaviti:

1. „Sanitacija“ d.o.o. Sarajevo ul. Malta broj 17, Sarajevo;
2. JU Zavod za javno zdravstvo Kantona Sarajevo ul. dr. Mustafe Pintola broj 1. Ilidža
3. Kantonalna uprava za inspeksijske poslove- Inspektorat sanitarne, zdravstvene i farmaceutske inspekcije a Bosne Srebrene bb, Sarajevo
4. Stručna služba za zajedničke poslove Kantona Sarajevo ul. Reisa Dž. Čauševića broj 1. Sarajevo;
5. a/a